

Piginnaangorsaaqqinnissamut ikiorsiisarneq pillugu Inatsisartut peqqussutaata allanngortinnissaa pillugu Inatsisartut peqqussutaat nr. 3, 1. juni 2006-imeersoq (Piginnaangorsaaqqittussap periarfissai annertusarneqarput, piginnaangorsartunut tamanut sungiusarnermut ilinniagaqarnermullu periarfissat annertusineqarput kiisalu piginnaangorsarnermut piffissarititaq ukiunut marlunnut sivikillineqarluni)

§ 1

Piginnaangorsaaqqinnissamut ikiorsiisarneq pillugu Inatsisartut peqqussutaanni nr. 4, 31. maj 2001-imeersumi imaattunik allannguisoqassaaq:

1. § 4, imm. 1, ima oqaasertalerneqassaaq:

"Piginnaangorsaaqqinnissamik qinnuteqaateqartup inuussutissarsiornikkut siunnerfigiumasaa kommunimit qulaajarneqassaaq suliniutit qulaajaanermik siunertaqartut aqutigalugit."

2. § 4-imi immikkoortup 2-p kingorna immikkoortoq nutaaq ilanngunneqassaaq:

"Imm. 3. Naalakkersuisut piginnaangorsaaqqinnissaaq sioqqullugu qulaajagassat pillugit maleruagassiinnaapput."

3. § 6, imm. 1, nr. 4, ima oqaasertalerneqassaaq:

"4) Ilinniagaqarneq, taassumalu ataani allamik ilinniagaqarsinnaaneq."

4. § 7 ima oqaasertalerneqassaaq:

" § 7. Piginnaangorsaaqqittussat namminersortut pisortalluunniit suliffiini aningaasarsiaqartinneqarlutik sungiusaaqqinnissamik imaluunniit ilinniagaqarnissamik neqeroorfigineqarsinnaapput."

5. § 10, imm. 1-imi "ukiut tallimat" ima allanngortinneqassaaq: "ukiut marluk, tamaattoq takuuk imm. 2".

6. § 10-mi, imm. 2, nr. 1-mi aamma 2-mi, "ukiut tallimat" ima allanngortinneqassapput "ukiut marluk".

7. § 16-imi immikkoortup 2-p kingorna immikkoortoq nutaaq ilanngunneqassaaq:

"Imm. 3. Kommuni akissarsianut tapiissutitut aningaasaliissutaa annerpaamik ukiumut ilivitsumut tunniunneqartassaaq. Taamaattoq piffissaaq akissarsianut tapiissuteqarfiusoq sivitsorneqarsinnaavoq, pissutsit immikkut ittut atuutsillugit."

Inatsisartut peqqussutaat manna atuutilerpoq ulloq 1. juli 2006.

Namminersornerullutik Oqartussat, ulloq 1. juni 2006

Hans Enoksen

/

Siverth K. Heilmann